

**NO. SOALAN: 106**

**PEMBERITAHUAN PERTANYAAN BAGI JAWAB LISAN  
DEWAN RAKYAT**

**PERTANYAAN : LISAN**

**DARIPADA : DATUK JUSLIE BIN AJIROL [ LIBARAN ]**

**TARIKH : 25 MEI 2016**

**RUJUKAN : 9057**

**SOALAN:**

**Datuk Juslie bin Ajirol [ Libaran ] minta MENTERI DALAM NEGERI menyatakan aspek pengurusan sempadan di negara ini bagi mengekang jenayah rentas sempadan dan cabaran keselamatan bukan tradisional iaitu pemerdagangan manusia dan kumpulan pengganas.**

## **JAWAPAN**

**Tuan Yang di-Pertua,**

**Kementerian Dalam Negeri (KDN) sentiasa melihat isu keselamatan sempadan serta kedaulatan negara sebagai satu elemen yang signifikan kepada kesejahteraan hidup rakyat dan pembangunan negara secara berterusan. Negara kita tidak terkecuali dalam menghadapi pelbagai bentuk ancaman yang boleh menggugat keselamatan dan kedaulatan negara. Aktiviti penyeludupan ini berupaya memesongkan sumber kerajaan apabila dieksplotasi oleh penyeludup untuk mengaut keuntungan daripada hasil negara dan boleh mengancam keselamatan negara apabila barang yang merbahaya juga diseludup ke dalam negara.**

**Kementerian telah mengadakan kerjasama yang erat dengan negara-negara yang bersempadan seperti Singapura, Thailand dan Indonesia bagi mengekang aktiviti penyeludupan dan juga jenayah rentas sempadan yang lain. Sehingga kini kerjasama yang diberikan adalah memuaskan dan rundingan sentiasa dibuat dari masa ke semasa.**

**Kerajaan telah menukuhkan Agensi Keselamatan Sempadan Malaysia (AKSEM) bagi meningkatkan kawalan di sempadan dengan menggabungkan agensi penguatkuasaan seperti PDRM, Kastam, Imigresen, AADK, dan Lembaga Kenaf dan Tembakau Negara di bawah satu pasukan bagi mengambil tindakan secara holistik dan bersepada.**

**Selain itu, Kementerian juga meneliti cadangan menaiktaraf pagar keselamatan yang sedia ada dan pembinaan pagar keselamatan baharu di sempadan antarabangsa negara. Cadangan ini ekoran daripada beberapa insiden yang telah berlaku di sempadan negara dan selaras dengan itu, Kementerian mengambil inisiatif untuk memperketatkan lagi kawalan di sempadan bagi memastikan insiden itu tidak berulang kembali di masa hadapan.**